

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 13

Ang Pag-anhi sa atong Ginoong Jesucristo ug ang Pagtigom Kanato Pag-usa ngadto Niya

Basahong Kasulatan: 1 Tes. 4:15-18; 5:16-18; 2 Tes. 2:1-12; Dan. 2:28; 9:27

- I. Gisulat ang duha ka Sulat alang sa mga taga-Tesalonica diha sa kahayag sa pag-anhi sa Ginoo; kinahanglang makakita ta “sa pag-anhi sa atong Ginoong Jesucristo ug sa pagtigom kanato pag-usa ngadto Niya”—2 Thes. 2:1-12:**
 - A. Natapos ang matag capitulo sa 1 Tesalonica sa pag-anhi sa Ginoo; nagpakita kini nga nagkinabuhi ug nagbuhat ang tagsulat, si Pablo, atubangan sa pag-anhi sa Ginoo, giisip kini nga pagdani, pampadasig, tumong, ug pasidaan; dili lang kay gibuhay niya kini mismo kondili gidasig sab niya ang mga magtutuong iyang giatiman nga mobuhay sab niini—1:10; 2:19; 3:13; 4:15-18; 5:23.
 - B. Kay naghulat man ta sa Anak sa Dios gikan sa mga langit, nasentro Kaniya ang atong ugma; nagpahayag ang atong kinabuhi nga wala tay paglaom ning yutaa ug walay positibong dangatanan ning panahona, ug nga ang paglaom nato mao ang Ginoo nga moabot, nga maoy dangatanan nato hangtod sa hangtod; magbuot, magkupot, ug mag-amping kini sa atong Cristohanong kinabuhi alang sa iglesiahonong kinabuhi—1:10; 2 Tes. 2:1, 8; 1 Ped. 1:1; 2:11; Heb. 11:13; Gen. 13:3-4, 18.
- II. Ang Griyegong pulong sa *pag-anhi (parousia)* nagpasabot og “*presensya*”; ang pag-abot ni Cristo mao ang presensya Niya uban sa Iyang katawhan; magsugod ang Iyang parousia sa paglalin sa batang-lalaki (Bug. 12:5) ug sa mga unang-bunga (Bug. 14:1-4) sa dili pa ang dakong kasakitan ug matapos sa pagtungha Niya sa yuta uban sa mga balaan sa kataposan sa dakong kasakitan (Mat. 24:27, 30; 2 Tes. 2:8; Jud. 14):**
 - A. Sa dili pa ang tulo ug tunga ka tuig sa dakong kasakitan, lalinon ang mga mananaog taliwala sa mga magtutuo ngadto sa presensya (parousia) ni Cristo sa mga langit—Bug. 12:5-6; 14:1-5; Luc. 21:34-36; Mat. 24:36-44.
 - B. Sa kataposan sa tulo ug tunga ka tuig nga dakong kasakitan, ang ikaduhang katunga sa kataposang semana sa Daniel 9:27, ang kadaghanan sa mga magtutuo, lakip na ang mga nangamatay ug ang mga nangabanhaw ug ang mga buhi, lalinon ngadto sa presensya (parousia) ni Cristo sa kahanginan; naghigot ang 1 Tesalonica 4:16-17 niining paglalina, nga nitakdo sa pag-ani sa alanihon sa Bugna 14:14-16.
- III. Tago nga moanhi ang Ginoo ingon nga kawatan nganha sa mga nahigugma Niya ug kuhaon sila ingon nga mga bahandi Niya aron dad-on sila sa Iyang presensya sa mga langit; busa, magtukaw gyod ta ug mangandam sa atong kaugalingon nga mahimong pangasaw-onon Niya—Dan. 10:19; Mat. 24:42-44; 25:13; Bug. 19:7; 22:20:**
 - A. Ang matag adlaw nga naa nato grasya gyod sa Ginoo; busa, basta duna tay karon, basta nagginhawa pa ta, mahigugma gyod ta sa Ginoo ug sa Iyang pagtungha, magpaabot sa pag-anhi sa Ginoo, ug kanunayng himoong pagdasig nato ang Iyang paganhi—1 Tes. 5:1-11; 2 Tim. 4:1, 6-8; Luc. 12:16-20.
 - B. Bug-os gyod tang mokonsagrang sa Dios, magbaton og usa ka kasingkasing nga mahigugma Niya, mangita Niya, magkinabuhi Niya, ug magpaumol Niya aron mahimo tang pagpadayag Niya ug

maanaay usa ka dalan—ang Tulo-usang Dios mismo isip balaod sa kinabuhi sa sulod ug ang diosnong kahimoan niini—Jer. 32:39-41; 31:33-34.

- C. Maumol gyod ta pag-usab sa balaang Pulong sa Dios, mobasa sa Biblia sa tanang adlaw sa atong kinabuhi—Col. 3:16; Deut. 17:18-20; Sal. 119:15-16; 2 Tim. 3:16-17.
- D. Magmalahutayon gyod ta sa pag-ampo aron maghimaya sa Dios, magpasalamat sa Dios, mosimba sa Dios, ug moalagad sa Dios; bug-os gyod unta nga alang sa mga tinguha sa Dios ang atong pag-ampo ug pagkatawo—Dan. 6:10; 9:17; 1 Hari 8:48; itandi sa Rom. 1:21, 25.
- E. Mga tawo gyod unta ta nga nagsakripisyo-sa-kaugalingon diha sa pagkausa kang Cristo nga nisakripisyo sa Iyang Kaugalingon alang sa uban—1 Tes. 2:1-12, 19-20; 5:12-15; Fil. 1:22-26.
- F. Magmatukawon gyod ta, magbantay, sa kinabuhi nato sa pag-ampo, mobulig sa nagpuyo-sa-sulod nga Espiritung nagbalaan aron magkinabuhi sa malipayon, mainampoon, ug mapasalamatong kinabuhi nga himaya sa Dios ug kaulawan sa Iyang kaaway—Mat. 25:13; Col. 4:2; 1 Tes. 5:16-18.
- G. Dili gyod ta mamunal sa atong mga masigka-ulipon, mokaon ug moinom uban sa mga palahubog, o ilubong ba ang gasa sa Ginoo; pakan-on hinuon nato ang mga anak sa Dios, ipakaylap ang kamatuoran sa ebanghelyo sa gingharian sa tibuok yutang gipuy-ag tawo—Mat. 24:14, 45-51; 25:25.
- H. Tumanon gyod nato ang pulong sa pagkamainantuson sa Ginoo, mobarog batok sa makapakapoy nga mga taktika ni Satanas, ug magkinabuhi, maggawi, ug magbuhat pinaagi sa pagtuo ug gugma nga naglaom sa pagbalik sa Ginoo—Bug. 3:10; Dan. 7:25; 1 Tes. 1:3.

IV. Kinahanglang makita nato ang mga ilhanan sa ikaduha ug nagkaduol na nga pag-anhi sa Ginoo— Mat. 24:1-3:

- A. Ang kinadak-ang ilhanan sa kataposan ning panahona (sa hapit na magsugod ang kataposang tulo ug tunga ka tuig nga dakong kasakitan) mao ang pagsangyaw sa ebanghelyo sa gingharian sa tibuok yutang gipuy-ag tawo—v. 14; Bug. 6:2.
- B. Ang usa pa ka dakong ilhanan sa pag-anhi sa Ginoo mao ang milagrosong pagkahiuli sa Israel, nga girepresentahan sa kahoyng higera, ingon nga nasod; alang sa mga magtutuo ilhanan kining kahoyng higera sa kataposan ning panahona—Mat. 24:32-35; Jer. 24:2, 5, 8.
- C. Sa dili pa ang adlaw sa ikaduhang pag-anhi sa Ginoo, moabot ang apostasiya, ug ipadayag ang tawong malapason, nga si Anticristo—2 Tes. 2:3, 7:
 - 1. Ang sala pagkamalapason man, nga mao ang pagkinabuhi nga naa sa gawas sa ug wala sa prinsipyo sa pagbuot sa Dios sa tawo—1 Juan 3:4.
 - 2. Nagbuhat karon ang misteryo sa pagkamalapason diha sa kanasoran ug sa katilingban sa tawo hangtod ipadayag si Anticristo nga tawong malapason; kay wala man modawat ang mga mangalaglag sa paghigugma sa kamatuoran, gipadad-an sila sa Dios og lihok sa kasaypanan, nga aktibong gahom nga mopasalaag, aron motuo sila sa bakak—2 Tes. 2:11.
 - 3. Busa, makita nato nga natuman ang Isaias 5:20 sa mga nituo sa bakak: “Alaot kadtong nagngalag maayo sa daotan, / Ug nagngalag daotan sa maayo; / Nga naghimo sa kangitngit nga kahayag, / Ug naghimo sa kahayag nga kangitngit; / Nga naghimo sa pait nga tam-is, / Ug naghimo sa tam-is nga pait!”
 - 4. Sa hapit na magsugod ang dakong kasakitan, ang kataposang tulo ug tunga ka tuig ning panahona, patindogon ni Anticristo ang dulumtanan nga diosdios sa pagkalaglag, nga larawan niya mismo, sulod sa templo ug pasimbahon ang mga tawo nianang larawana ug kaniya (Mat. 24:15; Dan. 9:27; Bug. 13:14; 14:9, 11); nagpakita kini nga tukoron pag-usab ang templo sa Dios sa dili pa mobalik ang Ginoo (2 Tes. 2:4).
- D. Ang usa ka ilhanan sa ikaduhang pag-anhi sa Ginoo mao nga ang mga kahimtang sa daotang pagkinabuhi nga nakapabungog sa kaliwatan ni Noe sa wala pa ang lunop naghulagway sa makuyaw nga kahimtang sa pagkinabuhi sa tawo sa dili pa moanhi ang Ginoo ug sa dakong kasakitan—Mat. 24:3, 21, 27, 37, 39; Luc. 17:26-27.

- E. Ang usa ka ilhanan sa ikaduhang pag-anhi sa Ginoo mao ang kakulang og pagtuo sa daghang magtutuo Niya: “Inig-abot sa Anak sa Tawo, makakita ba kaha Siyag pagtuo sa yuta?”—18:8:
1. Kon walay pagtuo dili ta makaila sa pamatigayon sa Dios, kay naa man sa pagtuo ang pamatigayon sa Dios (1 Tim. 1:4); ang gipangayo sa Dios kanato kalabot sa tanang naa sa Bag-ong Tugon mao ang pagtuo (Rom. 1:16-17; Gal. 2:20; Efe. 3:17; Mar. 11:22; Luc. 18:8).
 2. Kahimoan sa pagpatinuod ang pagtuo, paghatag og pagkamao sa mga butang nga wala makita o gilaoman; ang pagtuo maoy naghatag natog kasigurohan sa mga butang nga wala makita, nagpatuo nato sa wala nato makita; busa, kini ang pamatuod sa mga butang nga wala makita—Heb. 11:1.
 3. Wala ta magtagad, o motan-aw, sa mga butang nga makita kondili sa mga butang nga dili makita (2 Cor. 4:18); kinabuhi sa mga butang nga dili makita ang Cristohanong kinabuhi, ug ang pahiuili sa Ginoo pagpahiuli man sa Iyang iglesia gikan sa mga butang nga makita ngadto sa mga butang nga dili makita (Rom. 8:24-25; Heb. 11:27; 1 Ped. 1:8; Gal. 6:10).
- F. Ang usa pa ka ilhanan sa ikaduhang pag-anhi sa Ginoo mao nga “kay modaghan man ang pagkamalapason, mabugnaw ang gugma sa daghan”—Mat. 24:12; Bug. 2:4.
- G. Ang usa ka ilhanan sa kataposang mga panahon ug sa ikaduhang pag-anhi sa Ginoo mao ang sobrang pagtigom og bahandi—“Nagtigom mog bahandi sa kataposang mga adlaw”—Sant. 5:3:
1. Sa kataposang mga adlaw sa dili pa moanhi ang Ginoo, magtigom ang mga tawo og bahandi sa wala pa sukad mahitabo nga pagtigom ug tungod niana dili sila masayod sa umalabot nga mga kasakitan nila ug sa makaluluoy nga dangatanan nila sa paghukom sa Dios—Mat. 16:27.
 2. Sa kataposang mga adlaw pilopilon ang pagpahimulos sa materyal nga mga butang ug pagpatuyang sa pangibog sa wala pa sukad mahitabo nga pagtinguha sa kalipayan—Sant. 5:1-6; itandi sa Zac. 5:5-11.

V. Aron kuhaon sa Ginoo, kinahanglang mga tawo ta nga matukawon alang sa nagkaduol na nga pag-anhi Niya ug andam na nga mahimong pangasaw-onon Niya (Mat. 24:32-44; Bug. 19:7) aron malalin ta sa dili pa ang dakong kasakitan (3:10; Luc. 21:36):

- A. Ang kahulogan sa paglalin mao nga dad-on ta ngadto sa presensya sa Ginoo; kon buot ta nga madala ngadto sa presensya sa Ginoo, kinahanglang naa ta sa Iyang presensya karon—2 Cor. 2:10; Sal. 16:11; 27:8; 43:4; Buh. 3:19-20; Exo. 33:14-16; itandi sa Gen. 4:16.
- B. Aron mahimong mga tawo nga nahigugma sa pagtungha sa Ginoo, sa Iyang pagbalik, mahalon gyod nato ang Iyang pagtungha, ang Iyang pagpakita, kanato karon—2 Tim. 4:8; Buh. 26:16; Juan 14:21.
- C. Hamtong na sa kinabuhi ang tawong gikuha, ug dili pa hamtong ang usa; tibuok-kinabuhi ang pagkahamtong; alang sa pag-anahi sa Ginoo, andamon gyod nato ang atong kaugalingon sa paghigugma nato Kaniya sa bug-os gyod ug pagtubo ngadto Niya sa tanang butang aron nga, sa pagtungha Niya, hamtong na ta ug malalin—Heb. 6:1; Juan 21:15-17; Efe. 4:15; itandi sa Gen. 5:22-24.
- D. Ang pagkaandam aron malalin may kalabotan sa pagkapuno nato ni Cristo sa bug-os gyod pinaagi sa pag-ampo nga motubo ta ug mahamtong sa kinabuhi—Efe. 3:16-17a; *Mga Alawiton*, #395.
- E. Ang kahulogan sa pagkamatukawon mao nga mabinantayon ta, dili mapasagaron, nagbantay matag adlaw batok sa kahigayonan nga mapandol; ang mga nagtukaw mao gyod kadtong wala mosalig sa ilang kaugalingon ug dili masaligon sa kaugalingon—Jer. 17:7-8; 2 Cor. 1:8-9; Fil. 3:3; 1 Cor. 10:12.
- F. Tago nga moanhi ang Ginoo, ingog kawatan (Mat. 24:43-44), nganha sa mga nahigugma Niya ug kuhaon sila ingog mga bahandi Niya; si Cristo ang pagkabililhon sa Iyang mga magtutuo (1 Ped. 2:7), ug tinguha nato nga pun-on ug suropan ta Niya sa Iyang Kaugalingon nga labaw kaayong pagkabililhon nato, bahandi nato (2 Cor. 4:7), aron mahimo tang mga tawo sa pagkabililhon, ang pagkabililhon man ngani mismo (Dan. 9:23; 10:11, 19).
- G. Ilabi na ning kataposang mga adlaw, magmatukawon gyod ta ug magtagad sa pulong sa panagna ingon sa sugang naghayag sa ngitngit nga dapit, hangtod mobanagbanag ang adlaw ug mosubang sa

atong kasingkasing ang bituon sa kabugason (2 Ped. 1:19); sa pipila ka adlaw nga nabilin nato, mga tawo unta ta nga nahigugma ug nag-alagad sa Ginoo, nga nadasig pag-usab ug madaogon matag adlaw aron maandam ta ug naghulat sa tibuok natong kasingkasing sa ikaduhang pag-anhi sa Ginoo.

H. Mga tawo gyod unta ta nga dunay iya-sa-dispensasyong bili sa Dios “sa kataposang mga adlaw,” mga tawo nga giandam nga mahimong iya-sa-dispensasyong instrumento sa Dios, ang kasundalohang pangasaw-onon ni Cristo, nga mousab sa panahon alang sa himaya sa Dios ug sa gingharian sa Dios—Dan. 2:28; Bug. 12:1-5; 14:1-5; 19:7-9, 13-16.